

伊江筆錄

伊江筆錄

PDG

伊江筆錄

伊江筆錄

熊光 通籍後卽由中書入直樞廷雖爲時政匯集之所而軍機

設自雍正八年不特

國初文獻闕如卽雍正年間檔案因恭修

憲廟實錄經館臣移取存者寥寥時退直之暇爲應試禮闈計
未及留心乾隆戊戌洊陞侍讀頻歲隨阿文成公讞獄治河跋
涉陝甘齊豫江浙等省舍館一定阿每訖

國家掌故遂得恭聞

列聖宏規暨名卿偉績心焉識之嘉慶二年後猥

荷

兩朝恩遇趨承前席

簡畀連圻偶遇盤錯靜繹文成緒論斟酌措置差免愆尤始覺

坐言起行道在邇而非必求諸遠也迨己巳秋効力伊江就所
記憶逐條錄出旋蒙

賜環再官郎署自揣衰病侵尋實難再任驅馳請假歸里閉戶
養病因念文成遺誨有繫

國計民生且多記注所未載湮沒良爲可惜此外余宦遊所到
江浙復爲幼齡生長誦習舊地目染耳濡參諸志乘以非虛假
並附錄焉事以

本朝爲斷

熊光

才識膚淺作固未遑述亦滋陋不得不竊取見

聞傳聞之義又有其人雖獲戾而其事尙可師意存節取彙成

一冊命

大兒華基

繕寫存留我子孫將來尙不能繼起爲

國宣猷卽匹夫行善於鄉亦足資是則之一助若謂退而著書

思操筆削是簡且妄則吾豈敢

熊光

自識

伊江筆錄序

槐江吳公所著書三種曰伊江筆錄曰春明雜錄曰葑溪雜錄述乾嘉時故事而諸老之訐謏碩畫亦並著焉下至窮鄉僻壤一節之善靡弗紀也其文雖未芟潤其用意蓋深且遠矣伊江筆錄中載嘆咭喇入澳門事其畧曰嘆夷以劫掠爲事自准入貢後藉

天朝聲勢壟斷各國貿易而彼國養兵之費實從商稅抽分欲制其死命莫若封關封關則商稅絕商稅絕則彼之兵費無所出特不可輕與戰戰必不敵而東南沿海必受其害又推論洋銀之弊鐘表之弊鴉片烟之弊其言深切著明公雖以是獲咎免歸然卽其持論以推見公之用心其措置豈漫然而已哉道

光二十年後逆夷肆煽流毒寢廣

宣廟赫然震怒絕其互市而大臣林文忠實稟

廟謨舉所謂夷貨者盡以畀之炎火當是時君臣一德豫順以
動信可以昭告

天祖蕩滌邪穢矣而海疆大吏不能奉宣威德一誤再誤馴至
不可收拾嗚呼

宣廟之怒爲天下萬世計也諸臣之誤苟且於目前而已公之
去官在嘉慶戊辰距海夷起衅時尙遠而已厯厯言之如此信
乎所謂通敏有特識者歟此書向未栞布穌於公之曾孫鴻綸
處見之感慨時事因揭公之先見以告來者同治十二年正月
六日常熟翁同穌記

皇清誥授資政大夫 例晉榮祿大夫兵部武選司主事 欽
加四品卿銜前 太子少保兵部尙書湖廣直隸兩廣總督槐
江吳公墓志銘

賜進士及第 經筵講官體仁閣大學士管理兵部事務年思
姪潘世恩謨文

賜進士及第翰林院修撰再姪吳鍾駿書丹并篆蓋

余昔陳情告養歸田公已解組在籍與先伯父贈尙書榕臯公
同年往來契密因知公行實最深嗣子繫官於朝郵書無間迨
光癸巳二月公以老壽終於家春秋八十有四其孤華基等卜
葬有期先以家傳寄京師來請銘予於公爲年家子曷敢以不
文辭公諱熊光宇望崑號槐江又號密園先世居安徽休邑之

大斐村曾祖諱國啟祖諱宏祖考諱敬俱贈太政大夫妣氏一
贈夫人贈公由休城遷昭文生丈夫子四公居三幼而岐嶷言
敏異常冲齡失恃稟承庭訓年十八補府庠博士弟子員乾隆
戊子登賢書己丑壬辰禮闈兩取中正榜授內閣中書軍機處
行走己亥冬陞侍讀時公仲兄竹橋先生成進士入翰林公從
弟純甫以第一人及第而公終以不獲甲科爲憾辛丑陞刑部
雲南司郎中旋調浙江司郎中甲辰補山西道監察御史丙午
轉掌四川道御史己酉春補工科給事中是年秋贈公沒奔喪
歸葬壬子服闋入都補戶科掌印給事中仍在軍機處行走嘉
慶元年九月陞鴻臚寺少卿復遷通政司參議丁巳閏六月己
從灤陽

賞加三品卿銜承宣

綸旨是年十二月補直隸布政使己未三月陞授河南巡撫時賊匪張漢潮等在豫滋擾公鼓勵將弁踴躍爭先賊眾敗竄豫境安全奉

旨賞戴花翎照一等軍功例加三級辛酉補授兩湖總督復以軍功晉

太子少保銜乙丑六月調補直隸總督扈

蹕陪京差次

賞穿黃馬褂旋調兩廣總督嗣因暎咭喇之事部議鐫職己巳三月卜宅於郡之平橋命眷屬居子身抵戍庚午七月奉

恩旨賜環以六部主事用次年秋補兵部武選司主事癸酉春

告假回籍道光戊子復遇賓興大府入告 詔加四品卿銜重
宴鹿鳴公敷歷中外經四十年方其值

樞廷也隨福郡王查勘運河者三隨阿文成公肅案甘肅者一
讞案浙東者二又隨辦理豫東漫工者四隨和相國讞案滇南
者一及其膺封疆也撫豫則剿滅賊匪劉之協等督楚則殲除
首逆蒲添寶等移節兩粵時又值蔡逆滋擾公同李忠壯公會
剿進師閩粵人心爲之安堵歸里後閉戶養疴黜華崇實享林
泉之福者閱二十載可謂出處兩全世罕其匹著有伊江手錄
春明雜錄葑溪雜錄共四卷詩集十二卷配金夫人先卒篋室
劉氏孔氏劉氏鄧氏子二華基候選太常寺博士劉安人出
基業儒劉孺人出女七長適光祿寺署正崑山李存厚次適二

品廕生戶部廣東司主事青陽王元林長蘆候補運判元和姜
廷瑞雲南廣通縣知縣上海趙林國子監典籍陽湖盛思敏長
蘆石碑場鹽大使保舉知縣桐城方同穎乙酉拔貢清河縣訓
導鎮洋李汝嶠孫一兆誥昭庠附貢生孫女六曾孫一篆殤曾
孫女一華基等卽以是年十二月葬公於虞山北麓之吉阡銘
曰吾吳望族厥惟延陵至德之後公乃挺興靈襟峻嶷識宇嚴
凝有善必錄有功不矜節鉞鼎猷封圻震肅披一品服作八州
督旁午羽書郵庚輪軸能讓人先勞惟公獨敷歷中外卅載而
還林泉娛老清福優閒如韓魏國如白香山公其繼之卓絕塵
寰榜越廿科年逾八秩鹿宴重開龍門倡率崧嶽歸真聲名洋
溢惟直斯剛惟寬斯粟公有賜書以貽子孫公有彝訓以裕後

昆蘭堦茁秀

楓陞承恩史冊具在勲業猶存公德旣崇公澤自久出爲純臣
處爲益友晻靄祥雲虞山之阜肅諸貞珉永垂不朽

故大臣昭文吳公墓碑

吳氏至德之裔以國爲氏南並浙北抵淮皆吳地而蘇州爲都其族當望蘇然今吳氏在蘇者皆源徽徽又自別爲歙爲休寧始居休爲唐左臺御史文惠公其後析休之環珠村又析大斐至公考贈資政公遷昭文昭文蘇支縣蘇之吳氏多以科目起其家或源歙或源休近世冠蓋尤盛而其盛實自公始公諱熊光字望崑別字槐江考諱敬貢生祖諱宏祖歲貢生曾祖諱國啟貢生皆以公貴累贈資政大夫曾祖妣金祖妣查妣金皆累贈夫人贈公以上皆隸休贈公初至蘇僑寓郡南桃花塢實誕公旣卜居昭文迎春橋以公應童子試請入籍乾隆戊子舉人順天鄉試出故吏部尙書秦承恩門秦公父翰林學士大士推

純廟幸灤陽時苗匪未靖而教匪漸猖獗

訓政憂勤或午夜視事一日以

宣軍機大臣不得

命召章京唯公已上直入對稱

旨次及同直章京之戴文端公少頃伯相至

上曰軍機事日繁傅森吳熊光皆任事可在軍機大臣上行走

以助若伯相謂公官纔五品不符體制

上命加三品卿銜又曰其家貧大臣例開轎恐力不辦

上命賞戶部飯銀一千兩又曰戴衢亨出身狀頭官學士已四

品在軍機日久與吳同用吳不如用戴

上曰此豈殿試耶伯相語塞乃承